

Te taata 'toa, e ere te Tavana e te haava, o tei hinaaro i te hoe hohoa o tei enei *vea*, au tau mai ia e 3 farane no na avae etoru.

Faanu mai ia Tepito te nei nei parau i Papeete.

TE VEA NO TAHITI.

Ei haaparare raa i te parau rii api e faufaa hia i to te ma enua i roto i te Haa Tamaru; e neia i te mau mahana maha toa.

O te fua hoo taata, e te man taata e haapao i te tau raa taata, e tin ia ia na i atoa hia ta ratou mau parau faate i roto i te o-
Tea, ia au tau mai ratou i farane no te nei nei.

Faanu mai ia Tepito te nei nei parau.

PAEAU PARAU NO TE HAU.

NO TE MAU AUA HAU.

No hope roa aenei te maa i roto i te aua hau i Punaauia ra i te heru hia. E tau moni huru rahi roa tei roa mai no tei reira maa, o tei tuba ia i reira ra, i rotupu i te tavana, te haava, te mutoi, e te hui-raatira, mai tei faate hia mai hoi e te ture no te mau aua hau. No taua mau umara ra hoi, o tei hoo hia i roto i te mataeinaa iho, e tei hoo atoa hia hoi e te tomite, ua roa mai ia na farane e 855; e ua tuu hia i te 684 i te haava mataeinaa ra, o tei faate hia e te papai parau o te tomite e e tuba haere na te feia tuba. Te faate hia i te nei teienei mau parau, ia ite papu to Tahiti nei, i te faufaa rahi o teienei ohipa, i te hio raa a te hau; te roa mai ra hoi na roto i tei reira ra ravea, te maa na te mau papaa 'toa e tapea haere mai i onei, e na to te mau mataeinaa 'toa hoi; te hepohepo roa ra hoi ratou i te imi haere raa i te maa i teienei anotau.

No te itea papu raa hia hoi o tei reira 'toa ra mau parau, no tei rave haere hia i roto i vetahi mau mataeinaa, e mahere atoa ia te mau mataeinaa, e aua to anae ta ratou, i te ite papu e, e vahi tia 'toa ia ratou te tanu atoa i te hoe aua maa e ae, o te faapu hia i te umara e te ufi; e hope roa hoi tei reira mau mea i te hoo hia e to te mataeinaa iho, mai te mea e, aita i pau i te hoo hia e te mau pahi.

E tanu faahou hoi i te mau aua i pau i te heru ra e tia. Te faate atea hia i te nei hoi tei reira vahi, no te mea, te hinaaro hia nei, e ia tae i te mahana e tono atu ai te tavana i te hoe hiopoa ia henehehe parau ia taua mau ohipa ra e tia, e ia ore hoi te mau tavana mataeinaa ia hitimaue noa'e, mai te mea e, te faautua noa hia tura ratou no te faanehehe ore i ta ratou mau aua hau.

Ua heru ha aenei tahi pae umara i roto i te aua hau i Paea, e ua hoo hia i roto i te mataeinaa iho; e piti ra hoi poti oroe i faatomo hia, e i utu hia mai i roto i te matete i Papeete nei, e i reira ra, te pau roa raa i te hoo.

E homa e to Tahiti nei.

A hahere ai te tavana na roto i to outou na mau mataeinaa, i te faate haerea, outou e o oia, i te mau tapao no te au rahi e vai nei i rotupu i to outou na mau tavana e te auvaha o Farani, ua tia i te Atua te faate mai i te hoe tapao no tona ra mana, e te puai rahi. Ua pee mai hoi te hoe puaahiohio puai rahi no roto mai i te peho,

ua tairi tia mai i nia i to tatou nei oire, e mairi tufera roa 'tura tehoe o te mau fare haaputu raa toa a te hau; aore a hoi te feia paari o te fenua nei, i ite noa'e i te matai mai tei reira 'toa ra te puai. Ua tairi inu roa hia hoi te mau pou o taua fare ra, e puhia haere noa hia tura te rauoro; o te tahua 'nae ra hoi, e na pae, teie e vai nei i teienei.

E faahaehaa maite tatou i mua i te aro o te Atua, e mahere hoi, ua tairi puai mai tona rima i nia ia tatou ei utua no to tatou nei teoteo. Ia oti ra hoi tei reira vahi, e ohipa e au i te feia saaroo atoa, te toe nei ia ia tatou te faaitoito maite i ta tatou atoa nei mau ravea, i te faatia faahou raa i taua fare i mairi ra. Ia faatia faahou hia hoi tei reira ra fare e matai ai, e nehenehe ai, hoi te mau ohipa rarahi e rave haere hia nei e te hau.

E faaitoito maite rave tia, no te mea, te fatata roa mai nei te anotau ua. Te fatata 'toa mai nei hoi te anotau e tapae mai ai te mau pahi ma o tohoro, o te fateri mai ia huri hia, e ia tuu hia mai hoi ta ratou ra hio i uta. Te faahope roa nei hoi te hau i tona puai i te faatia raa i te asena, e te mau ohipa 'toa hoi i roto i te ava i Papeete nei. A hio na i te itoito rahi o te mau matero farani, o te ohipa ma te tuutuu ore i te faanehehe raa i to outou nei fenua, ia faito i nia i te mau oire itoito ra o California e o Panipe. I te mau mahana 'toa nei hoi, mai te hiti raa mai a o te ra, e po noa 'tu, te putuputu maite ra ratou ma te ro ra, i te rave haerea i te ohipa rarahi i Papeete. Hapehia hoi te mau vahi tatai raa, te mau aua arahu, hape anae hia ia e, e mea roa noa noai, no te mea, te oioi roa nei te oti raa. Eita roa tu ra e tia noae tei reira mau ohipa ia vaiho, ia oti anae hoi ia i mua e i te anotau ua ra e tia.

I teienei, te tiaturi nei te Tavana i nia ia outou, e to Tahiti nei; te horo tia tu nei oia i teienei ohipa i roto i to outou na rima; ei ia outou te faatia faahou i tehoe fare api e te itoito i nia mau a i te tahua o te fare i mairi ra. Eiaha ra to te fenua taatoa nei ia haapeapea hia no tei reira ohipa iti, ei to Papeete nei ra, to Papaoa, to Punania e to Paea taua ohipa nei. A muri atu ra, ia ohipa faahou hia ra, e tia hia tu ai tahi pae mataeinaa. I teienei ra, o outou e to na mataeinaa i ropu nei, ei te mahana 10, o teienei avae e haaputu putu mai ai outou i Papeete nei, e a faatia i teienei fare. Ua itea papu hia hoi to outou na itoito i te rave raa i teie atoa nei mau ohipa; a faaitoito maite a ra; e ia oti taua ohipa ra, ei reira tura ia ta tatou amu raa maa faarearea raa, i roto i te fetii hoe nei.

NO TE MAI PUUPUU.

Mai te avae mai á i mairi aenei, te rahi roa nei te matautau o te taata, i te parau haere raa e, ua roohia vetahi mau taata maohi i te mai puupuu; tei Papeete nei ra te rahi roa raa o tei reira parau. No te tapae raa mai ra o te pahi tira piti Beretane ra o Ocean mai vaihi mai, i rahi faahou ai te taia o te taata, te pohe haere ra hoi to taua fenua ra i tei reira mai, i teienei anotaui. Ua oparihia hoi taua pahi ra i te matamua, e ua hiopoa maite hia te mau taata toa e te taote rahi o te nuu manua, e ia itea papu roa hia e, aita roa tu e mai i nia i taua pahi ra, i reira tura te tuu raa hia mai te taata i uta. No te parau a ho i i faaroa hia no taua mai ra, haere faahou atura te taote i nia i taua pahi ra, e itea papu hia tura e, e haavare anae a te mau parau i faaite haere hia i uta nei, aita mau a hoi e mai i nia i taua pahi ra.

I te mahana maa ra hoi i mairi aenei, tupu faahou atura te roo e, ua pohe mau a vetahi mau taata i taua mai riaria ra, ua parau hia hoi e, te pohe ra ratou i roto i te mau fare i tahatai; ua manao hia na hoi e, e parau mau roa tei reira, no te mea, te parau haere ra te taata e, ua bio hia ratou e te taote, e ua parau hia e, e mai puupuu man a. No te aroha rahi hamani maitai ra o te Tavana i to Tahiti nei, faaue atura oia i te taote rahi, e e haere e hiopoa oioi i taua mai ra; ia itea papu hia te tia raa e te tia ore raa o taua roo ino ra. No te hinaaro hoi o te taote ra o

miti Brousmiche e ia pea roa te manao nio o te taata, aratai atoa tura oia ia miti Delaporte, te taote o te atimara, ia miti prat te Taote o te hau nei, e ia miti Johnstone te taote Beretane, ia hoi atoa ratou te huru i mau o taua mai ra; ua pee atoa hia hoi ratou e vetahi tau taata hoo taoa no uta nei, ei faaite atu ia ratou i te mau fare, tei reira taua mai ra te tupu raa.

Ua faaati taua na Taote ra i te oire taatoa nei, i te hiopoa haere raa, e itea papu hia tura e, aita roa tu mau a e tumu no taua mau parau ra. I teienei hoi, te faaite papu hia tu nei e, aita roa mau a taua mai ra i tae mai i Tahiti, e te manao hia nei hoi, no te mau ravea e imi hia nei i nia i te faaue raa a te Tavana, e e ore mau a to Tahiti nei, e roohia e taua mai rahi riaria ra.

O te mau mai hoi i faaite hia mai i te mau Taote i taua haerea no ratou ra, e mai mau ia no te fenua nei, ua puupuurii hia hoi te mata o tahi pae taata, aita roa ra e matau raa i tei reira; mai te mea hoi e, ia horohoroi maite hia taua mai ra, ia hopu i te vai mahanahana, e ia inu hoi i te raau miti, eila ia e roroa noae, ua pee roa taua mai ra.

Te e no te Tavana : BR'OT.